

A Noe su desendientenan:

❖ E maldishon di Kanaan.

- Buracheria ta pone nos pèrdè control propio (Proverbionan. 23:31-35). Noe a bira burachi i a kita sunú den su tèt.
- Kam a mira su tata i a hasi mofa di djé, asin'ei desonrando é, i kibrando e di sinku mandamentu. El a kompartí esaki tambe ku otronan. Kam su yiu hòmber Kanaan lo por tabata kuné na e momentu ei (Genesis 9:22).
- E maldishon di Kanaan a kondená tur e práktikanan malu di su desendientenan. Esaki a introdusí tambe Sèm su desendientenan komo e redentor di tur nashonnan (Genesis 9:25-27; 22:18).

❖ E historia di e nashonnan.

- Genesis ta mensioná 70 di Noe su desendientenan. Kada tribu a stablesí(biba) den diferente regionnan. Esaki a resultá den 70 diferente nashonnan riba Tera.
- Tur tabata sa tokante di e historia di piká i e redenshon primintí ku Noe a kompartí ku nan. Adam a konta e historia na Lamek, i Lamek a kompartié ku su yiu hòmber Noe.
- Desafortunadamente, poko hende a keda fiel na Dios.

B E toren di Babel:

❖ E rebelion.

- E reunion na Babel tabata un rebelion habrí kontra di Dios.
- Babilonia ta representá tur movimentu ku ta purba pa remplasá Dios, enkurashá dor di Satanás i su filosofia (Isaias 14:14; Revelashon 18:2).

❖ Dios a bini abou.

- Dios no a warda pa humanidat yega serka djÉ (algu imposibel, en realidat). El a baha abou.
- Dios a baha abou promé ku e rebelion a bai muchu leu. El a stroba humanonan di destruí nan mes atrobe (Genesis 7-8).
- Di e mesun manera, Dios a baha abou “ ora e plenitut di e tempu a yega (Galatians 4:4) komo Hesus pa libra nos for di destrukshon i pa duna nos bida etèrno.
- Nos no por yega serka Dios di nos mes, pesei É ta baha abou pa medio di Su grasia.

❖ E plamamentu.

- Humanonan a purba di traha un porta na e trono di Dios pa usurpá esaki, pero esaki a bira un lugá di konfushon [“Babel” ta para pa “ porta di Dios ” na Akkadiano, i e ta similar na e verbo Hebreo “ pa konfundi (pa bruha)”].
- Ora ku humanonan a bandoná e arka, nan a wòrdu ordená pa yena e tera (Genesis. 9:1), pero nan a nenga pa hasi asina. Despues di Babel nan a wòrdu forsá pa kumpli ku e òrdu.
- Mayoría di nan tòg a rechasá Dios, a adorá ídolonan, i a bira korumpí.
- Sinembargo, un remanente a permanesé fiel i a keda adora Dios (Genesis. 11:27). Dios tambe tin un remanente fiel awe.